

# Agenda – Communities, Equality and Local Government Committee

---

Meeting Venue:	For further information contact:
<b>Committee Room 2 – Senedd</b>	<b>Sarah Beasley</b>
Meeting date: Wednesday, 2 December 2015	Committee Clerk 0300 200 6565
Meeting time: 09.00	<a href="mailto:SeneddCELG@Assembly.Wales">SeneddCELG@Assembly.Wales</a>

---

- 1 Introductions, apologies, substitutions and declarations of interest**
- 2 Inquiry into the BBC Charter Review: evidence session 8 –  
Cymdeithas yr Iaith Gymraeg**  
(09.00 – 10.00) (Pages 1 – 19)  
Curon Davies, Cymdeithas yr Iaith Gymraeg  
Colin Nosworthy, Cymdeithas yr Iaith Gymraeg  
Aled Powell, Cymdeithas yr Iaith Gymraeg
- 3 Papers to note**  
(Pages 20 – 26)
- 4 Motion under Standing Order 17.42 to resolve to exclude the  
public from the remainder of the meeting**
- 5 Inquiry into the BBC Charter Review – discussion of key themes**  
(10.00 – 10.45) (Pages 27 – 34)
- 6 Consideration of the Forward Work Programme**  
(10.45 – 11.00) (Pages 35 – 39)



Document is Restricted

## Siarter y BBC - Ymchwiliad y Pwyllgor Cymunedau

### Ymateb Cymdeithas yr Iaith Gymraeg

#### 1. Cyflwyniad

1.1. Mae Cymdeithas yr Iaith Gymraeg yn fudiad sydd wedi bod yn ymgyrchu'n ddi-drais dros y Gymraeg a holl gymunedau Cymraeg ers dros hanner ganrif.

1.2. Credwn fod presenoldeb y Gymraeg yn y cyfryngau yn hollbwysig i bawb yng Nghymru a bod gan bawb yng Nghymru, boed yn siaradwyr Cymraeg neu beidio, hawliau i'r Gymraeg. Hynny yw, nid yn unig hawliau i'w defnyddio a'i dysgu, ond hefyd i'w clywed a'i gweld. Felly, mae presenoldeb yr iaith ar y teledu, radio, y we a phob cyfrwng arall yn allweddol i'n gweledigaeth ni fel mudiad.

#### 2. Crynodeb

2.1 **Dylid sefydlu darlledwr aml-lwyfan Cymraeg newydd** a fyddai'n creu cynnwys er mwyn cynyddu defnydd y Gymraeg - yn enwedig ymysg pobl ifanc - gan weithredu ar-lein yn bennaf, ond ar radio ac ar y teledu yn ogystal; gan gynorthwyo gwasanaethau S4C a Radio Cymru a rhyddhau'r darlledwyr presennol o'r baich o geisio gwasanaethu'r gynulleidfa gyfan. Er bu twf aruthrol yn nifer y gwasanaethau Saesneg eu hiaith dros y blynyddoedd - sydd wedi eu darparu gan y BBC ac eraill - ni fu twf cyfatebol yn y gwasanaethau Cymraeg. Am resymau ymarferol ac oherwydd yr angen am blwraliaeth, awgrymwn y gallai Awdurdod S4C fod yn gyfrifol am y gwasanaeth newydd hwn.

2.2 **Buddsoddi Rhagor yn S4C** - Mae S4C yn hynod o bwysig fel darlledwr annibynnol, ac mae'r trefniant ariannol presennol yn peryglu ei annibyniaeth, ei gynaliadwyedd a'i ffyniant. Wedi i'r darlledwr dderbyn toriadau difrifol dros y blynyddoedd sy'n peryglu ei bodolaeth, mae angen cynnydd yn ei gyllideb. Mae hefyd angen fformiwla ariannu statudol ar gyfer y sianel fel bod sicrwydd hir dymor iddi. Heb y sicrwydd hwn, gellid dadlau bod S4C yn cael ei arwain at anffawd ar bwrpas; nid yw'n deg i unrhyw fusnes i weithio am gyfnod hir heb fanylion cyllido dealladwy, ac felly mae'n rhaid bod y tegwch yn nod i'r cyfnod nesaf sydd mor allweddol. Mae S4C yn gwneud cyfraniad hynod o bwysig i fywiogrwydd yr iaith Gymraeg, sy'n iaith o dan fygythiad, ac felly yn sefydliad sydd angen ei ddiogelu er lles yr iaith a holl ddiwylliannau Cymru.

2.3 **Diogelu ac Ehangu Gwasanaethau Cymraeg y BBC** - Mae gwasanaethau Cymraeg y BBC - BBC Cymru Fyw a BBC Radio Cymru - yn hynod o bwysig, gwasanaethau na fyddai'n cael eu darparu gan y farchnad agored oni bai am drwydded y darlledwyr cyhoeddus. Rydyn ni'n falch o weld twf sylweddol yn y niferoedd sy'n defnyddio gwasanaeth ar-lein Cymraeg y BBC, BBC Cymru Fyw, sef yr union fath o wasanaeth na fyddai'n cael ei ddarparu. Gresynwn fod cwtogiad wedi bod i Radio Cymru o ran ei oriau darlledu.

2.4 **Datganoli Darlledu** - nid yw'r strwythurau rheoleiddio presennol yn addas i Gymru. Mae'r BBC yn sefydliad sydd, yn strwythurol, heb addasu i ddatganoli. Credwn y dylid datganoli darlledu yn ei gyfanrwydd i Gymru gyda setliad ariannol digonol i ehangu'r gwasanaethau Cymraeg a chynyddu cyllideb S4C.

2.5 **Ardoll i ychwanegu at yr adnoddau ar gyfer darlledu Cymraeg** - er mwyn ariannu sicrhau rhagor o wasanaethau Cymraeg a hynny'n aml-lwyfan. Rydyn ni wedi cyhoeddi cynigion ar gyfer codi ardoll ar elw cwmnïau fel Sky a Google ynghyd â hysbysebion

#### 3. Ymateb i gynigion Papur Gwyrdd Llywodraeth Prydain

3.1. Cytunwn gyda Llywodraeth Prydain bod y tirlun cyfryngol wedi newid yn sylweddol, ond tra bod cynnydd yn nifer y platfformau Saesneg eu hiaith, ni fu twf cyfatebol yn y gwasanaethau Cymraeg eu hiaith.

3.2. Gofynnir "*Beth ddylai ei faint a'i gwmpas fod yng ngoleuni'r nodau hynny ac i ba raddau mae'n effeithio ar eraill ym meysydd teledu, radio ac ar-lein?*". Mae'n hollbwysig bod Llywodraeth Prydain yn sylweddoli nad yw'r dadleuon ynghylch 'crowding out' - neu gor-boblogi - yn berthnasol i'r Gymraeg fel y gellid dadlau eu bod i'r sector Saesneg. Nid oes perygl y bydd gweithredoedd y BBC yn gwthio allan chwaraewyr eraill yn y maes darlledu Cymraeg. Fodd bynnag, rydym yn credu mai ehangu gwasanaethau S4C yw'r ffordd i wella'r sefyllfa yn hytrach na dibynnu ar y BBC yn unig.

3.3. Mae'r Papur Gwyrdd yn dadlau bod perygl bod y BBC yn troi yn rhy 'fasnachol' ei allbwn ac yn canolbwyntio gormod ar niferoedd gwylwyr, ond wedyn yn beirniadu darlledu mewn ieithoedd lleiafrifoledig oherwydd nad oes llawer o wylwyr. Nid oes modd i'r Llywodraeth amddiffyn y safbwyntiau hyn, gan eu bod yn gwrth-ddweud eu gilydd. Yr hyn sydd ei hangen yw darlledu cyhoeddus sy'n ddigon cryf i wrthsefyll tueddiadau "masnachol," ac yn rhoi lle canolog i gynnwys yn y Gymraeg ac ieithoedd lleiafrifoledig eraill.

3.4. Cytunwn fod angen i'r BBC addasu er mwyn cynrychioli holl wledydd ac ieithoedd yr ynysoedd hyn yn well. Yn y pen draw, yr unig ffordd o wneud hyn yw datganoli darlledu a ffederaleiddio'r BBC.

### **3.5 Cyfran o ffi'r drwydded i S4C**

3.5.1. Os ydy Llywodraeth Prydain am barhau i ariannu S4C drwy'r ffi drwydded, cytunwn y byddai'n well i'r swm o arian o'r ffi drwydded fynd yn syth at S4C yn hytrach na thrwy'r BBC gan y byddai hynny'n helpu sicrhau annibyniaeth S4C. Mae ymgais penaethiaid y BBC yn Llundain i geisio cwtogi ar gyllideb S4C yn dangos nad oes modd ymddiried ynddynt i warchod S4C. Mae hynny'n golygu bod angen sicrwydd ariannol a llif ariannol i S4C sy'n gwbl annibynnol o'r BBC. Fodd bynnag, credwn yn gryf y dylai unrhyw newid o'r fath ddod ar yr un pryd â sefydlu fformiwla ariannu mewn statud.

### **3.6. Rheoleiddio i Gymru**

3.6.1. Credwn y dylid rheoleiddio darlledu yn ei gyfanrwydd yng Nghymru yn hytrach nag edrych ar opsiynau ar lefel Brydeinig. Mae gan Gymru un cynrychiolydd ar Ymddiriedolaeth y BBC, ond nid yw gweithredoedd y BBC yn adlewyrchu anghenion Cymru o hyd. Ymhelaethir ar yr angen am ddatganoli darlledu yn adran 8 o'r ddogfen hon.

### **3.7 Sefyllfa darlledu Cymraeg - gwerth am arian a ffigyrau gwyllo**

3.7.1. Gwrthwynebwn yn llwyr honiad Papur Gwyrdd Llywodraeth Prydain bod "*cyfanswm y gynulleidfa* [Gymraeg ac ieithoedd lleiafrifol] *a gyrhaeddir wedi bod yn gostwng yn ystod blynyddoedd diwethaf, yn enwedig yng Nghymru*" a bod costau cynhyrchu radio Cymraeg yn "*codi cwestiynau ynghylch gwerth am arian.*" Eto, mae'n amlygu yr anghysondeb sydd wrth galon y Papur Gwyrdd sef, ar yr un llaw, cwyno bod darlledu cyhoeddus yn gwasgu allan y sector breifat, ond ar yr un pryd, yn codi cwestiynau am werth am arian os oes allbwn na fyddai'r farchnad yn eu cyflenwi. Ymhellach, mae'n anwybyddu'r ffaith bod y BBC wedi gofyn am doriadau llawer mwy gan Radio Cymru o gymharu â Radio 4.

3.7.2. Clywn tro ar ôl tro am gael "gwerth ein harian" o'n darlledwyr cyhoeddus. Yn sgil y toriadau a wnaed o 2010 ymlaen, cwtogwyd y nifer o staff a gyflogwyd gan S4C o 220 i 129. Serch hynny, ac er ni ddylid barnu darlledwr mewn iaith lleiafrifoldeg yn ôl ffigyrau gwyllo, ar draws gwledydd Prydain

dangosodd adroddiad blynyddol diweddaraf S4C cynnydd net yn nifer y gwylwyr, gyda defnydd ar-lein S4C i fyny 31%.

3.7.3. Roedd cost yr awr holl oriau darlledu S4C yn ystod 2014/15 yn £10,709. Mae hyn yn parhau'n gystadleuol ac yn cynrychioli gostyngiad o 35% ers 2009. Mae cost yr awr rhaglenni a gomisiynir gan S4C oddi wrth y cwmnïau cynhyrchu nawr yn sefyll ar £32,203 o'i gymharu â £52,752 yn 2009. Trwy weithio mewn partneriaeth â'r sector cynhyrchu mae S4C wedi sicrhau arbedion sylweddol yng nghost cynnwys yn y blynyddoedd diwethaf. Er hynny, mae'r Sianel yn dweud ei bod yn raddol yn cyrraedd sefyllfa ble mae'n debygol na all y gost gael ei lleihau ymhellach yn y dyfodol heb gynydd pellach yn y lefel o ailddarlledu rhaglenni.

3.7.4. Yn 2014/15, gwariwyd bron i 80% ar gynnwys, 16% ar gefnogi'r cynnwys ac ychydig o dan 4% ar orbenion, ffigyrau gwell na'r hyn a gynigir gan y BBC. Mae darparu gwerth am arian hefyd yn golygu bod buddsoddiad S4C yn y diwydiannau creadigol yng Nghymru yn cael yr effaith economaidd fwyaf. Mae'r buddsoddiad arwyddocaol a wneir gan S4C, yn ei dro, yn creu mwy o swyddi yn y cwmnïau ac o fewn y gadwyn gyflenwi mewn ardaloedd ar draws Cymru. Mae ymchwil annibynnol yn dangos yn ystod 2014/15, fod:

- pob £1 sy'n cael ei fuddsoddi gan S4C yn y diwydiannau creadigol yng Nghymru yn mwy na dyblu yn ei werth i'r economi (£2.09);
- buddsoddiad S4C i'r economi yng Nghymru a'r DG yn £82m;
- cyfanswm effaith economaidd S4C ar draws y DG yn 2014/15 yn £170m

3.7.5. O ran effaith y sianel ar yr iaith – does neb arall yn darparu'r ystod o gynnwys a rhaglenni Cymraeg â S4C – o raglenni plant i raglenni dysgwyr, o chwaraeon i ddrama i raglenni ffeithiol, adloniant a materion cyfoes. Fyddai'r ystod yma o gynnwys ddim yn bodoli heb S4C ac mae sicrhau cynnydd yng nghyllideb y sianel ac annibyniaeth i'r gwasanaeth yn greiddiol iawn i hyn.

3.7.6. Yn unol ag addewid Llywodraeth Prydain, dylai fod adolygiad trylwyr i benderfynu be sy'n ddigonol ac nid yn fypwyl, a chredwn fod hyn yn adlewyrchu'r consensws sydd yng Nghymru ac yn y diwydiannau creadigol.

## **4. S4C**

### **4.1. Cynyddu'r Gyllideb, Dim Toriadau Pellach**

4.1.2. Cred Cymdeithas yr Iaith Gymraeg bod llymder yn bolisi ideolegol sydd ddim yn gwneud synnwyr economaidd, ac, yn bwysicach, ei fod yn hynod o niweidiol i'n cymunedau a'r Gymraeg ac yn gorfodi pobl fregus a llai pwerus i dalu am gamgymeriadau'r cyfoethog.

4.1.3. Yn ôl yn 2010, gwnaed penderfyniad ynghylch ariannu S4C heb unrhyw ymgynghori â phobl Cymru na Chynulliad Cenedlaethol Cymru. Gwnaed toriad o 93% i'r grant gan Lywodraeth Prydain i'r sianel, a hyd yn oed o ystyried cyfraniad ariannol drwy'r ffi drwydded, bu toriad o tua 40% i gyllideb y sianel dros y pum mlynedd diwethaf.

4.1.4 Fel dywedodd Gweinidog Diwylliant Llywodraeth Catalonia mewn tystiolaeth o flaen y Cynulliad Cenedlaethol yn 2010: *"nid yw rhyddfrydiaeth ieithyddol, fel rhyddfrydiaeth economaidd, yn amhleidiol... pan fydd dwy iaith yn cyd-fodoli mewn un gwlad, mae galw am weithredu cyhoeddus i amddiffyn yr un gwannach. Fel arall, fe'i gwthir, yn y lle cyntaf, i'r cyrion ac, yn y tymor hir, i ddifodiant."*

4.1.5 Methiant y farchnad yw un o'r rhesymau sefydlwyd S4C yn y lle gyntaf. Cyn bodolaeth ein hunig sianel teledu Cymraeg, bu rhaid i raglenni Cymraeg gystadlu gyda rhaglenni Saesneg am arian.

Pryderwn fod tensiynau'n codi fwyfwy rhwng darlledu yn y Gymraeg a'r Saesneg wrth roi cyfrifoldeb ariannu yn nwylo'r BBC. Credwn felly bod angen fformiwla ariannu mewn statud ar gyfer S4C.

#### **4.2. Fformiwla Ariannu mewn statud**

4.2.1 Mae'r ffordd yr ariennir S4C ar hyn o bryd yn atal y Sianel rhag cynllunio ymlaen llaw. Bydd rhan o'i chyllideb yn cael ei phenderfynu drwy'r adolygiad gwariant, ond bydd y rhan o'i hariannu drwy'r ffi drwydded yn ddibynnol ar gasgliadau adnewyddiad Siarter y BBC. Mae Prif Weithredwr y sianel wedi datgan yn glir bod y sefyllfa yn ei hatal rhag cynllunio ymlaen llaw ac yn amharu'n ddifrifol ar ei gallu i lwyddo.

4.2.2. Yn ôl yn 2010, cytunodd y Pwyllgor Materion Cymreig<sup>1</sup> bod angen fformiwla ariannu statudol i'r sianel. Dywedasant: *"we believe that it is essential that there is a long term funding formula enacted in primary legislation."*

4.2.3. Credwn felly bod angen deddfu er mwyn sefydlu sicrwydd ariannol tymor hir i'r sianel, fel arall ni fydd modd iddi ffynnu.

#### **4.3 Ehangu gwaith S4C**

4.3.1. Nid sianel gyffredin yw S4C, ond darlledwr a sefydlwyd gan ymgyrch dorfol gyda nifer o bobl yn aberthu eu rhyddid i ddod â hi i fodolaeth. Tra bod y cyfryngau Saesneg dros y 20 mlynedd diwethaf wedi tyfu'n sylweddol, mae siaradwyr Cymraeg ar draws ynysoedd Prydain yn parhau i orfod dibynnu ar un sianel Gymraeg yn unig.

4.3.2. Rydym yn galw am S4C newydd sydd yn addas i'r oes cyd-gyfeiriant a datblygiadau technolegol newydd. Bydd angen sicrwydd ariannol a chynnydd yng nghyllideb y sianel er mwyn cyrraedd y nod hwn. Un enghraifft o'r methiant oherwydd y toriadau difrifol a newidiadau strwythurol yw'r ffaith nad oes gan S4C gwasanaeth clirlun - mae hynny'n rhwystro'r sianel rhag llwyddo; er enghraifft, mae llai o blant a phobl ifanc yng Nghymru yn gwyllo ein timau rygbi cenedlaethol ar y sianel oherwydd bod gan yr un gemau fersiwn HD ar ddarlledwyr eraill. Mae annheg i S4C bod gan bob darlledwr cenedlaethol arall yn y DU clirlun, ac mae'n tanseilio defnydd y Gymraeg yn ogystal.

4.3.3 Credwn ymhellach y gallai S4C fod yn allweddol er mwyn datblygu gwasanaeth Cymraeg aml-lwyfan newydd a esbonir isod.

### **5. Darlledwr Aml-lwyfan Cymraeg Newydd**

5.1. Pan fyddwn yn ceisio esbonio'r ymgyrch i sefydlu 'darlledwr aml-lwyfan' newydd, mae rhai pobl yn camddeall y syniad. Byddai'r darparwydd newydd yn creu ac yn dosbarthu cynnwys, ond mae'n fwy na darlledwr, gan y byddai'n cael ei sefydlu i ddosbarthu cynnwys ar bob math o lwyfan - o'r radio a'r teledu i'r we a dyfeisiadau symudol - ac yn barod am oes cydgyfeiriant lle mae ffynonellau adloniant a newyddion yn dechrau dod ynghyd.

5.2. Credwn y dylid defnyddio'r buddsoddiad ychwanegol a ddaw drwy ardoll newydd er mwyn gwella darlledu yn Gymraeg yn gyffredinol, gan gynnwys S4C a Radio Cymru, ond hefyd er mwyn sefydlu gwasanaeth newydd a fyddai'n ymateb i'r newidiadau mawrion ar y gweill yn y cyfryngau, gan ryddhau Radio Cymru ac S4C o'r baich o orfod darparu ar gyfer yr holl gynulleidfa Gymraeg. Mae creu ecosystem gyfryngol amrywiol yn hanfodol i ddyfodol y Gymraeg ac mae buddsoddiad sylweddol mewn cyfryngau digidol yn hollbwysig er mwyn sicrhau bod y Gymraeg yn briod iaith pob cyfrwng.

5.3. Ni ddylid meddwl yn nhermau mor gul ag ail orsaf radio neu sianel deledu Gymraeg. Mae potensial i ddarparwydd newydd, amlgyfryngol, gyflawni llawer mwy. Byddai strwythur gwahanol yn adlewyrchu'r angen am wasanaeth sy'n amlgyfryngol o'r cychwyn, gan ddefnyddio llwyfannau newydd i gyrraedd y gynulleidfa ehangaf bosibl.

5.4. Byddai'n llesol i S4C, Radio Cymru, y BBC ac, yn bwysicach, i'r Gymraeg a'i chymunedau, petai darparwydd amlgyfryngol newydd o'r fath yn cael ei sefydlu. Byddai'n ehangu'r gynulleidfa sy'n gwranddo, yn gwyllo ac yn defnyddio'u Cymraeg. Gallai ddarparu rhwydwaith cenedlaethol Cymraeg gan fanteisio ar gydfyfeiriant technolegol i gynnig llwyfan i brosiectau bro a chymunedol. Yn fwy na darlledwr un-ffordd traddodiadol, ei amcan fyddai cryfhau'r Gymraeg a'i chymunedau. Nid darlledwr er ei les ei hunan, ond er lles yr iaith, sydd ei angen.

5.5. Bwriad y Gymdeithas yw canolbwyntio ar geisio sefydlu darlledwr newydd a allai ehangu'r gynulleidfa Gymraeg a rhyddhau sianel deledu S4C, Radio Cymru (a'r BBC yn ehangach) rhag ceisio gwasanaethu'r holl gynulleidfa Gymraeg a phob grŵp oedran, a'r problemau mae hynny'n ei achosi. Byddai hyn yn caniatáu i sianel deledu S4C a Radio Cymru ganolbwyntio ar gynulleidfa darged fwy penodol, ond hefyd yn sbarduno creadigrwydd gyda'r her o gystadleuaeth. O ganlyniad, credwn y byddai creu darparwydd newydd annibynnol yn cryfhau darlledu Cymraeg yn ei gyfanrwydd.

5.6. Yn anffodus, nid yw'r BBC yn gweld cryfhau'r Gymraeg a'i chymunedau fel rhan o'i swyddogaeth na'i ddiben, ac ni fyddai'r BBC yn gallu gwireddu amcanion angenrheidiol y gwasanaeth newydd, ond dylai fod gan y gorfforaeth ran i'w chwarae wrth gynorthwyo a hwyluso'r gwaith o sefydlu darparwydd newydd. Dylai'r BBC gynnig adnoddau a chymorth i sefydlu menter newydd o'r fath, ac annog partneriaid i weithio mewn ffordd debyg. Byddai hynny'n llesol i'r Gymraeg a phlwlraliaeth cyfryngau Cymru ond hefyd yn rhyddhau'r gorfforaeth i ddarparu gwasanaeth Cymraeg mwy pwrpasol. Dylai'r BBC gynnig yr opsiynau a gynigwyd ganddynt yn 2008 i ITV ac eraill i'r darparwydd Cymraeg newydd yn ogystal â darparwyr bro eraill megis Radio Beca.

5.7. Gallai cynigion o'r fath i ddarlledwr aml-gyfryngol fod o gymorth mawr wrth ei sefydlu o'r newydd a'i gynnal. Yn ogystal, credwn y dylai'r BBC gynnig adnoddau eraill i'r darparwydd newydd a darlledwyr bro Cymraeg, megis gwasanaethau darlledu a throsglwyddyddion.

5.8. Prif ddiben y gwasanaeth fyddai hybu a hyrwyddo'r Gymraeg, gan anelu at gynulleidfa iau. Mae angen darpariaeth a fydd yn chwarae rhan flaenllaw wrth hybu defnydd o'r Gymraeg ymysg pobl yn eu harddegau ac yn eu hugeiniau cynnar, lle gwelwyd y cwmp mwyaf o ran defnydd o'r Gymraeg yn y cyfrifiad diwethaf. Gallai'r darlledwr aml-lwyfan newydd hwn roi hwb i'r defnydd o'r Gymraeg ymysg pobl ifanc yn enwedig. Nid yw'r darparwyr presennol yn ddigonol er mwyn cryfhau'r Gymraeg a'i chymunedau. Mae angen sefydlu endid newydd felly a fydd yn rhoi hybu'r Gymraeg wrth galon ei waith.

5.9. Nid oes amau bod patrymau defnydd y cyfryngau wedi newid yn sylweddol dros y blynyddoedd diweddar. Os yw'r Gymraeg i ffynnu yn yr oes aml-lwyfan a chyd-gyfeiriant, mae angen sefydlu gwasanaeth newydd er mwyn sicrhau bod pobl yn cael gweld, clywed a mwynhau'r Gymraeg ar y platfformau newydd hyn.

5.10. Mae Awdurdod S4C yn gorff all fod yn gyfrifol am redeg gwasanaeth newydd o'r fath yma oherwydd ei statws cyfreithiol fel corff annibynnol. Credwn ymhellach y byddai creu gwasanaeth newydd i greu cynnwys yn llawer iawn gwell fel un annibynnol o'r BBC, sydd eisoes yn dominyddu darlledu yng Nghymru ac yn y Gymraeg yn enwedig. Mae angen atal monopoli rhag datblygu yng Nghymru gan yr un darlledwr cyhoeddus Cymraeg.

## **6. Gwasanaethau Cymraeg y BBC**

**6.1. Radio Cymru** - Hoffem ddatgan yn glir bod Radio Cymru yn wasanaeth pwysig iawn ac y byddwn ni'n gwneud popeth yn ein gallu i amddiffyn yr unig orsaf radio genedlaethol Gymraeg, gan ei bod yn chwarae rhan hanfodol yn y gwaith o gynnal y Gymraeg. Mae Radio Cymru yn unigryw gan mai hi yw'r unig orsaf radio genedlaethol Cymraeg ei hiaith tra bo nifer fawr o wasanaethau Saesneg cyfatebol. Gwelwn fod yr orsaf eisoes yn dioddef diffyg adnoddau – mae'n darlledu llai o oriau y dydd na Radio Wales, er enghraifft. Mae angen ehangu'r gwasanaethau ar bob llwyfan er mwyn eu cryfhau ac mae angen i reolwyr y BBC fod yn llawer iawn mwy uchelgeisiol yn hynny o beth, yn hytrach na rheoli dirywiad yn unig. Gellid gwneud llawer mwy ar-lein i gefnogi rhaglenni, i farchnata'n fwy effeithiol, ac i greu cynnwys gwreiddiol.

**6.2. Pwysigrwydd BBC Cymru Fyw a gwasanaethau ar-lein yn Gymraeg** - Dylid buddsoddi rhagor mewn gwasanaethau ar-lein y BBC yn Gymraeg. Mae'r ddarpariaeth Saesneg yn llawer mwy sylweddol na'r hyn sydd ar gael yn Gymraeg, ac nid oes gwasanaeth chwaraeon ar-lein digonol ar gael yn Gymraeg. Nid yw'r ddadl bosib ynghylch dyblygu darpariaeth ar-lein gan ddarparwyr eraill - sy'n codi yng nghyswllt gwasanaethau Saesneg ar-lein y BBC - yn berthnasol o gwbl pan ddaw at ddarpariaeth Cymraeg felly.

**6.3. Prif-ffrydio'r Gymraeg ar draws rhwydwaith y BBC** - Credwn fod diffyg presenoldeb y Gymraeg ar wasanaethau Saesneg y BBC. Dylai fod lleiafswm o ran y ganran o gerddoriaeth Gymraeg y mae'n rhaid i Radio Wales ei chwarae, a dyletswyddau eraill ar holl blatfformau'r BBC o ran darparu gwasanaethau yn Gymraeg, gan gynnwys darpariaeth ar gyfer dysgwyr. Nid lle Radio Cymru yw darparu ar gyfer dysgwyr, ond cyfrifoldeb gwasanaethau eraill y BBC.

**6.4. Presenoldeb a Chefnogaeth i ddigwyddiadau Cymraeg eu hiaith** - Mae'r BBC yn chwarae rôl bwysig wrth ddarlledu nifer o ddigwyddiadau Cymraeg eu hiaith. Mae'n hollbwysig bod hynny'n parhau, gan gynnwys darllediadau llawn o Eisteddfod yr Urdd a'r Eisteddfod Genedlaethol. Gresynwn nad oes pabell gan y BBC yn Eisteddfod yr Urdd sy'n agored i'r cyhoedd. Credwn y dylai fod gan y BBC bresenoldeb gwell yn Eisteddfod yr Urdd a hynny'n gwbl ar wahân i bresenoldeb S4C yn yr ŵyl.

**6.5. Datblygu Gwasanaethau Newydd** - Dylai'r BBC sicrhau bod unrhyw fentrau newydd y mae'r gorfforaeth yn ymgymryd â nhw yn prif-ffrydio'r Gymraeg.

**6.6. Oriau am ddim i S4C** - Mae o leiaf 10 awr yr wythnos wedi ei addo i S4C gan BBC Cymru. Mae gwerth hyn yn gyfateb i £18m o raglenni y flwyddyn ac mae'n bwysig bod hynny'n parhau.

## **7. Ariannu Darlledu Cyhoeddus**

### **7.1. Ardoll newydd er mwyn ehangu darlledu Cymraeg**

**7.1.1.** Rydym yn argymhell codi ardoll ar gwmnïau darlledu a thelathrebu, a hefyd ar hysbysebwy, er mwyn cyllido darlledu cyhoeddus yn y Gymraeg ac er mwyn sefydlu gwasanaeth amlgyfryngol newydd. Gellid ystyried codi ardoll ar lefel Gymreig, Brydeinig neu Ewropeaidd, gyda gweithgor yn cael ei sefydlu i osod seiliau i'r darparwydd newydd. Amlinellir rhagor o fanylion am y syniad yn ein papur polisi "Ariannu Darlledu Cymraeg"<sup>2</sup> a lansiwyd ym mis Awst 2014.

**7.1.2.** Mae darlledwyr cyhoeddus yng ngwledydd Prydain wedi dioddef toriadau mawr yn eu cyllid yn ystod y pum mlynedd diwethaf. Yn ystod yr un cyfnod, ac er gwaethaf y dirwasgiad, mae darlledwyr preifat, megis British Sky Broadcasting (Sky) ac ITV, wedi gweld cynnydd mawr yn eu helw. Mae llwyfannau ar-lein, megis Google a Facebook, hefyd yn parhau i weld cynnydd mawr yn eu trosiant



blynyddol, ac yn defnyddio strwythurau busnes cymhleth er mwyn osgoi talu trethi llawn i'r llywodraeth.

7.1.3. Mae trosiant BSKyB wedi cynyddu o £5.4 biliwn yn 2009 i £7.2 biliwn yn 2013, cynnydd o 33%. Mae'r cwmni yn cael elw o £1.3 biliwn yn flynyddol (2013) o gymharu ag £813 miliwn yn 2009, sef cynnydd o £487 miliwn (60%) yn flynyddol. Mae ITV hefyd wedi gweld cynnydd mawr yn ei elw yn ystod y pum mlynedd yn arwain at 2013. Yn 2009, trosiant y cwmni oedd £1.9 biliwn. Gwelwyd cynnydd blynyddol cyson, gan gyrraedd £2.4 biliwn yn 2013. Mae'r cwmni wedi gweld cynnydd enfawr (278%) yn ei elw felly, o £196 miliwn yn 2009 i £546 miliwn yn 2013. Yn 2013, gwelodd cwmni Google gynnydd yn ei incwm yng ngwledydd Prydain i £3.4 biliwn (sy'n cynnydd o 15.5% ar 2012). O gymharu, casglwyd £3.65 biliwn trwy ffi drwydded y BBC yn ystod yr un adeg. Mae hyn yn awgrymu bod incwm Google yng ngwledydd Prydain yn gyfwrch â'r arian a gasglwyd trwy'r ffi drwydded yn 2014. Mae'r rhan fwyaf o gyllid Google yn dod trwy hysbysebion - 96% yn 2011 ac, er gwaethaf ei enillion sylweddol, dim ond £11.2m o dreth gorfforaethol a dalwyd gan Google yn 2012.

7.1.4. Mae gan system o ardollau botensial i godi symiau sylweddol ychwanegol er mwyn ariannu darlledu cyhoeddus. Ni fyddai'r Deyrnas Unedig yn torri tir newydd yn hyn o beth. Mae ardollau o'r fath yn bodoli mewn gwledydd ar draws y byd, ac yn fecanwaith sefydledig ar gyfer cyllido cynnwys a gwasanaethau cyfryngol. Ar lefel Brydeinig, gallai cyfuniad o'r trethi neu'r ardollau hyn godi, ar radd gymharol isel, sef 1% neu lai, ymhell dros £200 miliwn y flwyddyn, gan greu incwm o ymhell dros £10 miliwn y flwyddyn ar lefel Gymreig.

7.1.5. Fel y gwelwyd yn ystod y blynyddoedd diwethaf, rhoddodd newidiadau deddfwriaethol rwydd hant i Lywodraeth y Deyrnas Unedig a'r BBC gwtogi ar ariannu darlledu Cymraeg. Pa ddull bynnag o ariannu a ddewisir er mwyn sicrhau bod y Gymraeg yn gallu ffynnu yn y cyfryngau dros y blynyddoedd i ddod, credwn fod angen deddfwriaeth sylfaenol er mwyn sicrhau sefydlogrwydd ac annibyniaeth i S4C ac i ddarlledu yn Gymraeg yn gyffredinol.

## 7.2. Rôl y Ffi Drwydded

7.2.1 Er i ni ymgyrchu yn erbyn toriadau i grant Llywodraeth Prydain i S4C, tra nad oes ffynonellau ariannol eraill, dylid sicrhau bod y ffi drwydded yn cefnogi S4C er mwyn cynyddu'r gyllideb bresennol.

7.2.2. Credwn y gellid ystyried trosglwyddo'r cyfrifoldeb dros y ffi drwydded i awdurdod S4C yng Nghymru er mwyn sicrhau nad oes modd i'r BBC ymyrryd ag annibyniaeth y darlledwr. Yn sicr, mae angen fformiwla ariannu mewn statud sy'n golygu bod modd i S4C cynllunio ymlaen yn hyderus a chan wybod bod cyllideb y sianel yn mynd i gynyddu gyda chwyddiant.

## 7.3. Ffyrdd eraill o ychwanegu at gyllid darlledu Cymraeg

7.3.1. Credwn ymhellach y gellid ystyried mesurau eraill i alluogi ehangu darlledu Cymraeg

- **Breintiau darlledu yn rhad ac am ddim i ddarlledwyr Cymraeg** - yn ddiweddar, diddymwyd sylwebaeth Gymraeg ar gemau pêl-droed tîm Cymru gan Sky, felly nid oes modd gwylio y gemau yn fyw yn Gymraeg mwyach. Gan nad oes awydd gan Sky ddarlledu'r gemau yn Gymraeg, dylai S4C gael darlledu'r gemau am ddim er mwyn bodloni hawl sylfaenol pobl Cymru i wyllo'r gem yn fyw yn Gymraeg. Gellid edrych ar ragor o ddigwyddiadau tebyg na darlledir yn Gymraeg ar hyn o bryd, y byddai ehangu darpariaeth S4C heb gostau uniongyrchol ychwanegol i'r pwrs cyhoeddus.
- **Darlledwyr preifat i gyfrannu oriau am ddim** - mae'r BBC eisoes yn cyfrannu 10 awr o oriau darlledu am ddim i S4C, ond credwn y dylid edrych at ddarlledwyr sy'n gwneud elw

sylweddol megis Sky a ITV i ddod o dan ddyletswydd i ddarparu cynnwys am ddim i S4C yn ogystal. Byddai hyn yn dilyn model debycach i'r model a ddefnyddiwyd i sefydlu S4C yn yr 1980au ac yn creu yr angen iddynt ymwneud â'r sianel y gall arwain at fanteision masnachol i bawb yn y pendraw.

## 8. Datganoli Darlledu

8.1. Bu consensws ar draws cymdeithas sifil nad oedd y toriadau a newidiadau strwythurol i S4C a orfodwyd ar y sianel yn 2010 o fudd i'r Gymraeg na Chymru yn ehangach. Cafodd y cynlluniau ar gyfer S4C eu beirniadu gan arweinwyr y pedair prif blaid yng Nghymru, y Pwyllgor Materion Cymreig, degau o undebau a mudiadau iaith a degau o filoedd o bobl a lofnodont ddeiseb, mynychu raliâu ac anfon cwynion at wleidyddion. Yn hytrach na brwydro yn erbyn y cynlluniau, ceisiodd y darlledwyr weithio o fewn cyfyngiadau'r cynlluniau annoeth a gytunwyd rhwng Ymddiriedolaeth y BBC yn Llundain ac Ysgrifennydd Diwylliant y DU, Jeremy Hunt, ar y funud olaf ym Mis Hydref 2010. Yn hynny o beth, anwybyddodd Llywodraeth San Steffan a'r darlledwyr llais unedig Cymru.

8.2. Bu braidd dim ymgynghoriad ag S4C na gwleidyddion o Gymru yn ystod y broses gynllunio i gwtogi ar gyllideb y sianel. Ymhellach, bu'r cytundeb newydd rhwng S4C, y BBC a DCMS yn *fait accompli* wedi ei orfodi ar bobl Cymru heb drafodaeth ddemocrataidd am ddyfodol S4C. Mater o siom oedd parodrwydd Awdurdod S4C i gydweithio mewn gorfodi cytundeb o'r fath. Eto, yn gynharach eleni, ymddengys bod y BBC a'r Llywodraeth yn Llundain wedi dod i gytundeb am setliad ariannol i S4C heb ymgynghori â phobl Cymru o gwbl.

8.3. Yn dilyn y profiad hwnnw, lansiom ymgyrch dros ddatganoli darlledu ychydig o flynyddoedd yn ôl, cawsom gefnogaeth gref gan nifer fawr o fudiadau ac unigolion megis Merched y Wawr, UCAC, arweinwyr sawl cyngor sir a nifer o wleidyddion o'r pedair prif blaid yng Nghymru.

8.4. Gellir gweld yn glir effeithiau negyddol y sefyllfa bresennol yng nghyd-destun radio lleol, lle mae allbwn Cymraeg wedi dirywio yn sylweddol oherwydd diffyg rheoleiddio. Mae hanes Radio Ceredigion a Radio Sir Gâr yn enghreifftiau o'r hyn sydd yn digwydd. Mae hefyd wedi amlygu tueddiad y farchnad i danseilio mentrau Cymraeg eu hiaith, gan nad yw'r gyfraith yn amddiffyn natur ieithyddol y mentrau hyn nac yn rhoi cymorth positif i annog a thyfu cynnwys radio Cymraeg.

8.5. Mae profiad diweddar Radio Ceredigion yn amlinellu'r broblem i'r dim. Er gwaethaf gwrthwynebiad cryf gan y cyhoedd i gwtogi allbwn Cymraeg yr orsaf, fe lwyddodd perchnogion Radio Ceredigion i newid eu hamodau iaith a lleihau'r nifer o oriau a ddarlledir yn Gymraeg ar yr orsaf. Ar Fai 10fed 2011, gwnaeth perchnogion Radio Ceredigion, Town and Country Broadcasting, gais i Ofcom i adael iddynt ddarlledu llai o Gymraeg. Cynhaliodd Ofcom ymgynghoriad ar y cais o 10 Mai tan 3 Mehefin 2011. Ond, oherwydd gwrthwynebiad cryf gan y cyhoedd, gwrthododd Ofcom y cais. Fodd bynnag, ar Fedi 6ed 2011, cyhoeddodd Ofcom y byddai trwydded Radio Ceredigion yn cael ei hysbysebu'n agored ym mhen y mis yn caniatáu i'r un cwmni ceisio am yr un drwydded heb unrhyw amodau Cymraeg. Datganwyd y byddai trwydded Ceredigion yn cael ei ail hysbysebu'n llawn ar 4 Hydref 2011. Enillodd Town and Country Broadcasting y cytundeb, ac mae nawr yn darlledu llawer llai o oriau Cymraeg, sy'n groes i amcanion Llywodraeth Cymru i hyrwyddo'r Gymraeg.

8.6. Nodwyd hefyd gan Gomisiwn Silk bod y rhan fwyaf o bobl Cymru eisiau datganoli darlledu i Gymru.

8.7. Argymhellwn y dylid:

- Datganoli grym dros ddarlledu a thelathrebu i'r Cynulliad Cenedlaethol er mwyn sicrhau bod yr arbenigedd a'r gallu i wneud y penderfyniadau cywir dros ddyfodol darlledu yng Nghymru;

- Ffederaleiddio'r BBC - - mae'n hanfodol bod datganoli grym yn digwydd o fewn y BBC gyda system ffederal fel y dewis gorau, er mwyn sicrhau tegwch a chydbwysedd, gydag ymddiriedolaeth BBC Cymru wedi ei phenodi gan y Cynulliad Cenedlaethol;
- Trosglwyddo'r hawl i drwyddedu gwasanaethau radio a theledu i'r Cynulliad Cenedlaethol, gan gynnwys radio a theledu lleol, a thrwydded newydd ar lefel Gymreig i'r trydydd sianel deledu masnachol;
- Rhoi grym i'r Cynulliad Cenedlaethol osod amodau Cymraeg ar drwyddedau radio a theledu lleol;
- Dylid datganoli cyllideb S4C i'r Cynulliad Cenedlaethol a datganoli'r pwerau deddfwriaethol er mwyn i'r Cynulliad sefydlu fformiwla ariannu i S4C er mwyn diogelu dyfodol y sianel yn y tymor hir;
- Galluogi'r Cynulliad Cenedlaethol ehangu cylch gwaith S4C i gynnwys darparu gwasanaethau Cymraeg ar bob cyfrwng, yn hytrach na gwasanaeth teledu yn unig;
- Ehangu pwerau'r Cynulliad Cenedlaethol er mwyn iddynt osod dyletswydd i ddarparu gwasanaethau Cymraeg eu hiaith ym maes darlledu oherwydd y cydgyfeiriant technolegol o safbwynt darparu gwasanaethau.

## 9. Casgliadau

9.1. Mae sefyllfa'r Gymraeg yn fregus ac mae gan S4C a'r BBC swyddogaethau pwysig i'w chryfhau dros y blynyddoedd i ddod.

9.2. Mae angen S4C sy'n gwbl annibynnol o'r BBC, sydd ag adnoddau ychwanegol a fformiwla ariannu mewn statud. Mae angen ehangu gwasanaethau ar-lein a radio Cymraeg y BBC yn ogystal.

9.3. Noda Papur Gwyrdd Llywodraeth Prydain y bu twf aruthrol yn nifer o wasanaethau Saesneg y BBC. Gresynwn nad oes cydnabyddiaeth na fu twf cyfatebol yng ngwasanaethau Cymraeg y gorfforaeth. Er mwyn gwneud yn iawn am hynny ac er mwyn dod â'r Gymraeg i mewn i'r oes cydgyfeiriant, mae angen darlledwr aml-lwyfan Cymraeg newydd sydd, am resymau ymarferol a'r angen am blwraliaeth, yn atebol i Awdurdod S4C.

Grŵp Digidol, Cymdeithas yr Iaith Gymraeg

Hydref 2015

# Darllodwr Amblatfform Cymraeg

## Newydd

Papur Trafod Cymdeithas yr Iaith Gymraeg, Hydref 2015



### Cyflwyniad

Yn y ddogfen yma, cyflwynir ein gweledigaeth ar gyfer darllodwr Cymraeg newydd, gan gynnwys argymhellion penodol ynghylch amcanion a strwythur y gwasanaeth o fewn cyd-destun modelau a phrosiectau tebyg sy'n bodoli eisoes.

Prif nodau'r gwasanaeth newydd fydd:

- Creu cynnwys gwreiddiol o'r safon uchaf
- Gweithredu arlein yn bennaf, ond hefyd ar radio ac ar deledu
- Gosod fframwaith a thechnoleg dosbarthu effeithiol ac arloesol ar gyfer ffonau symudol, tabledi, setiau teledu clyfar, consolau gemau ac ati
- Cynnig platfform i leisiau newydd ac amgen ar y cyrion, er mwyn adlewyrchu ystod ehangach o bobl a bywyd cyfredol yng Nghymru
- Cynyddu defnydd y Gymraeg, yn enwedig ymysg pobl ifanc
- Cynorthwyo ac ategu gwasanaethau S4C a Radio Cymru
- Rhyddhau S4C a Radio Cymru o'r baich o geisio gwasanaethu'r gynulleidfa gyfan

### Pam bod angen gwasanaeth newydd?

Dros y degawdau diwethaf, tra bu twf aruthrol yn nifer y sianeli teledu a gorsafoedd radio Saesneg eu hiaith, mae'r gwasanaethau Cymraeg wedi aros yn eu hunfan, gydag un sianel deledu, un orsaf radio, a gwasanaethau eraill sy'n eilradd o gymharu â'r gwasanaethau Saesneg cyfatebol. Yn aml, beirniadir S4C a Radio Cymru am geisio, a methu, plesio'r holl gynulleidfa Gymraeg.

Mae dyfodol S4C eisoes yn fregus. Drwy newidiadau yn y Ddeddf Cyrff Cyhoeddus, diddymwyd y fformiwla ariannu statudol a roddai sicrwydd ynghylch yr arian a roddir i'r sianel. Hyd yn oed wedi ystyried y cyfraniad o ffi drwydded y BBC, roedd y toriadau i S4C yn gyfystyr â 40%, ffigwr y dywedwyd y byddai'n gwneud y gwasanaeth yn anghynladwy. Ar ben hynny, cyhoeddwyd dros yr haf bod disgwyl i'r BBC, sydd nawr yn gyfrifol am gyfran helaeth o gyllid S4C, gwneud arbedion o 20% er mwyn dalu am drwyddedau i bobl dros 75. Yn ôl Ysgrifennydd y DCMS John Whittingdale, mae'n "rhesymol" bod S4C gwneud arbedion tebyg.

Ar drothwy 2016, prin fod modd gwadu bod newidiadau enfawr yn y ffordd y mae cynulleidfa oedd, yn enwedig pobl ifanc 16-24 oed, yn gwyllo ac yn gwrandao ar gynnyrch cyfryngol. Mae'r ffin rhwng sianel deledu draddodiadol a'r we yn brysur ddiflannu. Mae patrymau gwyllo wedi newid, ac yn parhau i newid ar gyfradd aruthrol. Yn ôl Ofcom (2015), mae'r ganran o bobl 16-24 oed sy'n gwyllo

teledu neu ffilm arlein o leiaf unwaith yr wythnos wedi cyrraedd bron i 40%, gyda'r ffigwr yn neidio i 65% o bobl yn yr un grŵp oedran yn gwyllo clipiau fideo byr ar y we. Mae'r grŵp oedran 16-24 hefyd yn treulio mwy o amser arlein (27.6 awr yr wythnos) nag unrhyw grŵp oedran arall. Mae'r ystadegau yma wedi gweld cynnydd blynyddol ers 2007. Gweler tueddiadau tebyg yn y nifer o bobl 16-24 oed sy'n gwrandao ar, neu'n lawrlwytho, cerddoriaeth a chynnyrch clywedol arlein yn wythnosol hefyd. Yn ychwanegol, gwelwyd twf cyson yn y nifer o bobl ifanc sy'n defnyddio eu ffonau clyfar i wyllo a gwrandao ar gynnwys trwy apiau pwrpasol. Rydym yn falch y bu twf yn nifer gwylwyr S4C, yn ôl adroddiad blynyddol y Sianel eleni, gyda thwf mawr yn nifer y gwylwyr arlein. Ymhellach, gwelwyd cynnydd sylweddol, o 10%, yn nifer gwylwyr y sianel ar draws gweddill y Deyrnas Gyfunol. Ond, yn sgil yr holl ystadegau uchod, mae'n synhwyrol i weld gwasanaeth Gymraeg newydd yn cael ei gynllunio fel endid amlblatfform o'r cychwyn, er mwyn osgoi'r trafferthion sy'n gysylltiedig â throsglwyddo neu ehangu strwythurau a chynnwys teledu neu radio traddodiadol i blatfformau eraill.

## **Twf Cyfryngau Ewrop – Cymru ar ei hôl hi**

Ers sefydlu Radio Cymru yn 1977 ac S4C yn 1982, mae darlledu Cymraeg wedi aros yn ei hunfan, yn wahanol i ieithoedd lleiafrifoledig eraill Ewrop. Nid yw'r ddarpariaeth Gymraeg wedi ehangu ac felly nid yw canran sylweddol o'r gynulleidfa posib yn cael ei wasanaethu.

Yng Ngwlad y Basg, sefydlwyd y cwmni darlledu cyhoeddus EITB (Euskal Irrati Telebista) yn 1982, sef yr un flwyddyn ag S4C. Maent erbyn hyn yn gyfrifol am ddwy sianel deledu gyfan gwbl yn yr iaith Fasgeg a 2 sianel arall sy'n darlledu'n rhannol yn Fasgeg. O dan ei hadain hefyd, mae yna 2 orsaf radio sy'n gyfan gwbl yn y Fasgeg, gydag un arall yn rhannol Fasgeg. Anelir y brif sianel deledu iaith Fasgeg (ETB1) at gynulleidfa gyffredinol, tra bod yr ail sianel (ETB3) yn targedu cynulleidfa ifanc. Bwriad y sianeli eraill sy'n rhannol Fasgeg yw lledaenu newyddion, diwylliant a iaith Gwlad y Basg i gynulleidfaoedd rhyngwladol ar draws Ewrop a Gogledd America. Yn yr un modd, mae'r brif orsaf radio Basgeg ei hiaith (Euskadi Irratia) yn darlledu cynnwys ar gyfer cynulleidfa cyffredinol, tra bod yr ail orsaf (Euskadi Gazeta) yn targedu pobl ifanc.

Gweler sefyllfa debyg yng Ngalisia. Mae'r gorfforaeth ddarlledu gyhoeddus CRTVG (a sefydlwyd dwy flynedd ar ôl S4C, ym 1984) yn gyfrifol am 4 orsaf deledu Galisieig (2 daearol a 2 lloeren), a cheir hefyd tair gorsaf radio genedlaethol yn y Galisieig trwy Radio Galega, sydd o dan adain CRTVG. Mae'r sianeli a gorsafoedd yn targedu cynulleidfaoedd amrywiol, gan gynnwys cynulleidfaoedd cyffredinol, pobl ifanc a chynulleidfaoedd tramor/rhyngwladol.

Mae'n bwysig nodi fod nifer y sianeli a gorsafoedd yma wedi datblygu dros ddegawdau ers dyfodiad y corfforaethau yn yr 80au. Nid yw S4C, na darlledu Cymraeg, wedi datblygu yn yr un ffordd. Yng Ngwlad y Basg a Galisia, mae yna ddarpariaeth ar wahân ar gyfer cynulleidfa gyffredinol a chynulleidfa ifanc. Ar hyn o bryd, er eu hymdrechion, nid yw S4C na Radio Cymru yn gwasanaethu pobl Cymru yn yr un ffordd. Darlledir iaith a diwylliant Fasgeg a Galisieig yn rhyngwladol, gyda strwythur ag amcanion penodol. Er bod S4C ar gael trwy Clic ac iPlayer y BBC, nid yw'r sianel yn adnabod a chyrraedd cynulleidfaoedd ifanc a rhyngwladol yn yr un ffordd. Gwelir angen felly i ryddhau S4C a Radio Cymru o'r baich o orfod ceisio (a methu'n anochel) gwasanaethu'r holl

gynulleidfa Gymraeg a phob grŵp oedran.

Ceir enghreifftiau o brosiectau cyfryngol arlein mewn ieithoedd lleiafrifol a lleiafrifoledig eraill Ewrop. Yng Ngalisia, dechreuwyd EuFalo.tv yn 2011, fel prosiect dogfen gydweithredol. Cynhyrchwyd cynnwys gwreiddiol gan griw o newyddiadurwyr proffesiynol ac unigolion a grwpiau amatur. Ymhlith eu hamcanion roedd cenhadaeth ieithyddol, er mwyn rhoi llais i'r di-lais nad oedd y cyfryngau traddodiadol yn rhoi lle iddynt. Anelir hefyd at arbrofi yn dechnolegol er mwyn cynhyrchu cynnwys mewn ffyrdd nad oedd yn draddodiadol.

Mae Brezhoweb (Llydaw) yn sianel deledu ar y we sy'n annibynnol yn yr ystyr nad yw'n rhan o gorfforaeth deledu. Serch hynny, mae Brezhonweb yn ceisio efelychu sianeli teledu trwy ariannu a rhoi llwyfan i ystod fechan o raglenni sydd wedi eu hamserlennu'n ofalus. Maent yn cynhyrchu a darlledu cynnwys gwreiddiol yn ogystal â ffilmiau, rhaglenni a chartwnau wedi eu trosleisio i'r Llydaweg.

Yn 2012, sefydlwyd Sianel 62 fel sianel deledu Cymraeg ar y we. Darlledwyd rhwng 1.5 a 2 awr o gynnwys bob wythnos, gan gynnwys deunydd gwreiddiol a hynny gan gynhyrchwyr proffesiynol ac amatur. Denwyd dros 1,000 o wylwyr i'r darllediad gyntaf, gyda chyrhaeddiad rhyngwladol eang dros y cyfnod darlledu. Mae Sianel 62 yn parhau i gynhyrchu'n achlysurol ac yn llwyddo i gyrraedd miloedd o wylwyr yn rheolaidd.

Diffyg sicrwydd cyllid digonol (ac felly o adnoddau) yw'r brif rwystr i ffyniant y prosiectau yma i gyd, boed yn amatur neu'n broffesiynol.

Yn ogystal â'r enghreifftiau uchod, mae Prif Weinidog yr Alban ac RTÉ yn Iwerddon yn ddiweddar wedi amlinellu cynlluniau ar gyfer rhagor o wasanaethau yn eu gwledydd nhw, ac felly dylai fod gwasanaeth(au) newydd yng Nghymru ac yn Gymraeg hefyd.

## **Strwythur y Gwasanaeth Newydd**

Ein cred yw y dylai gwasanaeth newydd weithredu ar draws platfformau – yn bennaf ar y we ond gan gynnwys teledu a radio. Ni ddylid meddwl yn nhermau mor gul ag ail orsaf radio neu sianel deledu Gymraeg. S4C yw'r unig gorff proffesiynol sylweddol gyda strwythur rheoli a chynhyrchu soffistigedig yn y Gymraeg. Mae'n naturiol felly i weld y gwasanaeth newydd o dan ei goruchwyliaeth. Serch hynny, credwn fod sefydlu corff annibynnol hefyd yn opsiwn, a gellid fod yn atebol i S4C fel rheoleiddiwr. Gall corff newydd gynllunio gwasanaeth sy'n addas at y diben ar gyfer hynodweddau technolegol y we ag arferion gwyllo a gwranddo cynulleidfaoedd y gymdeithas gyfoes. Dylai'r BBC, S4C, ITV a gwasanaethau eraill gynnig arbenigedd ac adnoddau i'r gwasanaeth newydd, ar ffurf hyfforddiant, llifau gwaith, cynnwys a chynhyrchu. Mae'r BBC ac ITV eisoes wedi cynnig cefnogaeth o'r fath i radio lleol ac i gynhyrchwyr newyddion – mae'n rhesymol i gymryd y bydd y corfforaethau yma hefyd yn ymfalchïo yn y cyfle i ddarparu cymorth tebyg i ddarparwr cenedlaethol newydd felly.

Credwn ymhellach y byddai gwasanaeth newydd i greu cynnwys yn llawer iawn gwell fel un annibynnol o'r BBC, sydd eisoes yn dominyddu darlledu yng Nghymru ac yn y Gymraeg yn enwedig. Mae angen atal monopoli rhag datblygu yng Nghymru gan yr un darlledwr cyhoeddus Cymraeg. Ymhellach, mae'r enghreifftiau uchod o Wlad y Basg a Galisia yn awgrymu mai trwy gorff sy'n gweithredu trwy gyfrwng yr iaith lleiafrifoledig y daw twf mewn gwasanaethau, yn hytrach na thrwy ddarlledwr gwladwriaeth-gyfan fel y mae'r BBC ar lefel Prydain. Os mai corff newydd annibynnol neu S4C sy'n gyfrifol am y gwasanaeth newydd, gellir sicrhau blaenoriaethu materion Cymru a'r Gymraeg.

Dylid seilio strwythur gwasanaeth newydd ar fframwaith o gynnwys gwreiddiol newydd, gan ddarlledu rhwng 7 yr hwyr a chanol nos bob dydd, er mwyn targedu pobl ifanc. Dylai'r cynnwys gwreiddiol adlewyrchu lleisiau cyfoes ymhlith y grwp oedran 16-24 oed, gyda phwyslais ar ddarparu adloniant a gwybodaeth. Mae angen hefyd diwallu'r hawl sylfaenol i bobl dderbyn newyddion yn Gymraeg bob dydd a thrwy bob cyfrwng, felly dylai fod gan y darlledwr amlblatfform newydd wasanaeth newyddion sy'n annibynnol o'r BBC. Gyda buddsoddiad ychwanegol, mae'n bosib gall Golwg360, sydd eisoes wedi ceisio ehangu ei ohebiaeth i gynnwys eitemau clywedol, gyflawni'r rôl yma.

Er mai cynnwys gwreiddiol fydd gonglfain y darparydd newydd, bydd rhaid hefyd ystyried yr opsiynau i fanteisio ac ehangu ar gynyrch safonol a fframweithiau sy'n bodoli eisoes. Gellir rhannu rhaglenni naws ifanc presennol S4C ar y platfform newydd, e.e. Ochr1, Rownd a Rownd, a Hacio. Gellir ymestyn defnydd a chyrhaeddiad deunydd trwy adnabod nodweddion unigryw y rhaglenni yma a'u hail-becynnu ar gyfer llwyfannau eraill. Yn ogystal â rhaglen deledu weledol, gellid darlledu podlediad o Ochr1 (e.e.) ar y radio a'i gynnig fel lawrlwythiad trwy iTunes neu GooglePlay. Bu rhaid hefyd ymchwilio i'r posibiliad o drefnu eithriad i hawliau darlledu ffilmiau a rhaglenni ieithoedd tramor i'r gwasanaeth newydd fel darlledwr iaith lleiafrifol, gan isdeitlo neu drosleisio i'r Gymraeg fel y bo'n briodol.

Ym mis Awst 2014, cyhoeddodd Cymdeithas yr Iaith bapur oedd yn cynnwys opsiynau amgen er mwyn ariannu darlledu Cymraeg. Ymhlith yr opsiynau, argymhellwyd codi ardoll ar elw cwmnïau cyfryngol a thelathrebu mawr (megis Google, Sky, Virgin Media, EE, TalkTalk) sydd wedi parhau i weld cynnydd enfawr yn eu trosiant trwy gydol y dirwasgiad. Yn seiliedig ar y ffigyrau yn y papur hwnnw, dangoswyd y posibiliad real o godi £10 miliwn ychwanegol y flwyddyn i ddarlledu cyhoeddus Cymraeg, gan gynnwys sefydlu gwasanaeth newydd a hefyd chwistrelliad ariannol ychwanegol i S4C. Gan gymryd bod costau cynhyrchu ar y we yn rhatach na chostau cynhyrchu teledu traddodiadol, awgrymir cost gychwynnol o £10 miliwn er mwyn sefydlu'r gwasanaeth newydd yn y flwyddyn ariannol gyntaf, gyda £5 miliwn yn flynyddol ar ôl hynny. Dylai swm o'r fath sicrhau cynllunio a chynhyrchu safonol a phroffesiynol. Awgrymir hefyd na ddylai'r gwasanaeth newydd gael ei lansio tan fod cyfnod cynllunio manwl wedi ei gwblhau, er mwyn sicrhau'r dechreuad mwyaf cadarn ac effeithiol.

# Casgliad

Mae angen i ddarlledu Cymraeg fod yn uchelgeisiol ac arloesol, a hynny o ran ei gweledigaeth, cyllido, fformat a thechnoleg. Mae'n ddigon bosib na fyddai'n ddelfrydol efelychu unrhyw fodel sy'n bodoli eisoes – yn hytrach, rhaid ystyried creu model newydd. Mae'r gymhariaeth â'r sefyllfa yng Ngwlad y Basg ac yn Galisia yn amlygu sefyllfa grebachlyd darlledu Cymraeg. Mae'r enghreifftiau o brosiectau darlledu amgen o Galisia a Llydaw yn dangos bod awydd i arloesi yn y gwledydd hynny, a hynny mewn sefyllfa debyg i'r hyn rydym yn ei wynebu yng Nghymru, sef diffyg buddsoddiad yn y manau cywir a ffynonellau cyllido dibynadwy. Gyda chyllid digonol a chynllunio manwl, gall wasanaeth newydd Cymraeg osod model digynsail ar gyfer darlledu amlblatfform byd-eang.

Yn rhydd o hualau disgwyliadau'r gynulleidfa draddodiadol, a thrwy ddathlu creadigrwydd, arbrofi a risg, bydd gan y gwasanaeth newydd cyfle i ysbrydoli ac ymgysylltu â chynulleidfa ifanc sydd, ar hyn o bryd, heb raglenni digonol sy'n berthnasol iddynt, heb synau na delweddau ystyrion o fywyd cyfoes yng Nghymru, heb gynrychiolaeth na lleisiau cyfarwydd sy'n siarad gyda nhw a throstyn nhw. Bydd gwasanaeth newydd yn magu hyder a balchder yn yr iaith Gymraeg, yn meithrin uchelgais a hunaniaeth gryfach ymysg y genhedlaeth ifanc, ac yn helpu sicrhau'r holl fuddiannau mae gwlad a phobl hyderus yn ei fwynhau.

Hydref 2015

Grŵp Dyfodol Digidol Cymdeithas yr Iaith Gymraeg



# Agenda Item 3

2 December 2015 – Papers to note cover sheet

Paper No:	Issue	From	Action Point
<b>Public papers to note</b>			
2	BBC Charter Review	BBC Trust	Additional information following the meeting on 12 November 2015
3	Fourth Assembly Legacy	Finance Committee	Correspondence to the Chair from the Chair of the Finance Committee
4	BBC Charter Review	TAC	Additional information following the meeting on 12 November 2015

The Committee asked to understand the content of monitoring reports that the BBC Trust has received from the BBC Executive relating to the BBC Trust Impartiality Report: [BBC Network News and Current Affairs on Coverage of the Four UK Nations](#).

As the Committee will be aware, the commissioning of this report in 2008 was one of the earliest actions of the BBC Trust after it was established. It was in response to concerns expressed to the Trust by the BBC Audience Council Wales, amongst others, about the way in which Network News was covering policy matters devolved to Wales, Scotland and Northern Ireland. The report included an independent assessment by Professor Anthony King, content analysis by Cardiff University's School of Journalism and audience research by the market research analysts, BMRB. The report called for greater accuracy in the signposting of stories as to which parts of the UK a particular story applied to, more and better coverage of the different nations on network channels, more analysis of how the nations compared in policy areas, and a less London/Westminster centric view of stories. The BBC Executive was asked for an action plan to address the issues.

In 2010, follow up content analysis was carried out by Cardiff University which found "significant improvements". The Trust's conclusions noted:

- a significant increase in the proportion of news stories related to or about Scotland, Wales or Northern Ireland on BBC television with a much smaller increase on non-BBC television outlets;
- a significant increase in BBC television reporting from Scotland, Wales and Northern Ireland compared with a drop by other broadcasters;
- the proportion of news items referring to devolved powers almost doubled on the BBC overall while remaining the same on other broadcasters;
- the number of explicit or implicit references made to devolve powers increased dramatically (from 71 to 480) on the BBC and more modestly on other broadcasters;
- the number of news items making a comparison between the policies of devolved nations remains low but has doubled on the BBC whilst falling on other broadcasters.

However there were still concerns about the lack of clarity in the labelling of stories and the continuing focus on stories about England.

We published that [report](#).

The Trust requested regular updates on progress from the Executive on the key points of the report. The Executive updates focus on accuracy and 'enrichment' that is, in particular, the various nations approaches to policy.

Following the most recent update earlier this year the Editorial Standards Committee of the Trust concluded that:

- the period under review was dominated by the referendum on Scottish independence and its aftermath so this was an unusual period;
- the importance of accuracy in reporting was front of mind in this period perhaps as a result of the referendum and there were few complaints from the nations about errors;
- the centrality of the Scottish referendum, in a year when there had been major international developments too, led to less network coverage of other nations.

Key points that the Committee concluded with regard to Wales is:

- whilst labelling has improved, there is still room for improvement especially on-line;
- there is an appetite – as expressed by audience members to Audience Council Wales – for more output comparing the different approaches to public policy across the devolved nations of the UK;
- the complexities of cross-national policies and public services can still cause difficulties of attribution and in the debate over the devolution of further powers care must continue to be taken.

The Editorial Standards Committee decided that it was important to measure output again objectively. So it has commissioned further content analysis from Cardiff University looking at current output. This is ongoing. The Trust expects to receive this report consider the findings and publish it along Trust conclusions in the first half of next year. It will investigate whether the information provided about the four nations is even-handed and accurate. Cardiff will carry out a four week analysis of BBC and non-BBC news media and compare their findings to the 2007 and 2009 samples. Their assessment will include an examination of:

- topics covered;
- sources used;
- story prominence and length;

- the extent to which factual information about the governance of the four nations is conveyed.

A handwritten signature in black ink that reads "Elan Closs Stephens". The signature is written in a cursive style and is underlined with a single horizontal stroke.

**Elan Closs Stephens**  
**Ymddiriedolwr Cenedlaethol y BBC Cymru**  
**BBC National Trustee Wales**

Ann Jones AM, Chair CYPE Committee  
Christine Chapman AM, Chair CELG Committee  
William Graham AM, Chair E&B Committee  
Alun Ffred Jones AM, Chair E&S Committee  
David Rees AM, Chair HSC Committee

17 November 2015

Dear Committee Chairs

### **Finance Committee's legacy – Budget process and financial scrutiny of legislation**

As part of the Finance Committee's consideration of its legacy, the Committee is reflecting on the arrangements for budget scrutiny and looking at the financial scrutiny of bills including the impact of the Committee's role.

As you are aware budget procedures will be changing during the next Assembly. However, the Committee would be keen to hear your views on the effectiveness of the overall approach to budget scrutiny in this Assembly. Members are interested in how successful you consider your committee has been in feeding into the process, how engaged stakeholders are with budget scrutiny and the appropriateness of timescales for the process, particularly those prescribed in [Standing Orders](#).

The Committee is also keen to hear your views on the effectiveness of financial scrutiny of legislation, including how your own committees have integrated financial scrutiny into the consideration of legislation and how helpful the outcome of Finance Committee's consideration of bills has been to your committee's scrutiny.

I look forward to receiving your views and would be grateful for a response by 8 January 2016.

Yours sincerely



**Jocelyn Davies**

**Chair**





Uned 2, Cibyn, Caernarfon. LL55 3AW  
01286 672 200

Christine Chapman AM  
Chair  
Communities, Local Government and Equalities Committee  
The National Assembly for Wales  
Cardiff Bay  
Cardiff  
CF99 1NA

20 November 2015

Annwyl Cadeirydd

We would like once again to thank the Committee for asking TAC to give evidence on the 12<sup>th</sup> November, in relation to BBC Charter Review.

In response to the Committee's request that TAC forward information relating to the funding of BBC Alba, we contacted MG Alba, which runs the service.

They have forwarded us the information below, and if it fits with Committee protocol are more than happy to deal with any other queries the Committee may have regarding their operations.

You can contact MG Alba using the following details:

Donald Campbell – Chief Executive: [Domhnall.Caimbeul@mgalba.com](mailto:Domhnall.Caimbeul@mgalba.com)

Iseabail Mactaggart - Director of Development and Partnerships: [Iseabail.Mactaggart@mgalba.com](mailto:Iseabail.Mactaggart@mgalba.com)

I hope this information is satisfactory, and please do let us know if there is any more assistance we can give.

Yn gywir

A handwritten signature in black ink, appearing to read 'Iestyn Garlick', with a stylized flourish underneath.

Iestyn Garlick

Chair

## **Information provided to TAC by MG Alba for the benefit of the Welsh Assembly Communities, Local Government and Equalities Committee, November 2015**

### **Background**

MG ALBA is short for Meadhanan Gàidhlig Alba (Gaelic Media Scotland) and is the operating name of Seirbheis nam Meadhanan Gàidhlig or Gaelic Media Service.

MG ALBA delivers **BBC ALBA** (the Gaelic language television channel) in partnership with the BBC. BBC ALBA is the first partnership television service to operate under a BBC licence.

BBC ALBA is a success. Audience figures are strong, with over 700,000 average weekly reach (MG ALBA, 2015). BBC iPlayer augments viewing – 7.43m views in 2014 (MG ALBA, 2015).

The channel is funded as follows: £13.8m of MG ALBA funding, of which £12.8m is provided by the Scottish Government and £1m by the UK Government; and £8m of BBC funding, of which £5.2m was spent on content produced in-house, and the remaining balance on distribution, infrastructure and support (BBC Annual Report, 2013/14).

### **Charter Renewal**

In our submission to the Department of Culture Media and Sport on Charter Renewal, MG ALBA has stated its position as follows:

- (i) the current funding of BBC ALBA creates significant audience deficits; and
- (ii) as part of the charter renewal review, MG ALBA asks that the BBC in-house programming contribution to BBC ALBA's output should be increased to match that made by the BBC to S4C, on the basis of a consistent BBC philosophy on supporting its autochthonous language services.

On current funding, only 1.7 hours of originations per day, including News, are possible. This compares to other autochthonous language services in the UK and Ireland as follows: almost 8 hours of originations per day on the Welsh channel, S4C, and 5 hours of originations on the Irish language channel, TG4.

The effect of a lack of originations is a high repeat rate. BBC ALBA's current repeat rate is 73%.

In addition to an unsustainable repeat rate, this funding gap creates significant deficiencies for BBC ALBA audiences:

- there is no weekend news available in Gaelic;
- there is a significant lack of original programming for children and young people;
- there are gaps in comedy, entertainment and programming for learners.

Specifically, we have asked that the current 230 hours pa of content that the BBC contributes to BBC ALBA's output is increased, to match that made by the BBC to S4C, i.e. 520 hours pa, or 10 hours of high quality programmes per week.

Document is Restricted



Document is Restricted